

Broj: 06-38-8-615/18  
Mostar, 6. 3. 2018. godine

Na osnovu člana 3. Zakona o izdavačkoj djelatnosti („Službeni list SR BiH“, broj 35/90 i „Službeni list R BiH“, broj 3/93. i 23/93), Memoranduma o razumijevanju za uspostavljanje Koordinacije ministara obrazovanja i nauke u Federaciji Bosne i Hercegovine od 24. 8. 2015. godine, potpisanog između Federalnog ministarstva obrazovanja i nauke, Ministarstva za obrazovanje, nauku i mlade Kantona Sarajevo, Ministarstva obrazovanja, nauke, kulture i sporta Tuzlanskog kantona, Ministarstva za obrazovanje, nauku, kulturu i sport Zeničko-dobojskog kantona, Ministarstva obrazovanja, nauke, kulture i sporta Unsko-sanskog kantona, Ministarstva za obrazovanje, mlade, nauku, kulturu i sport Bosansko-podrinjskog kantona i Ministarstva obrazovanja, nauke, kulture i sporta Hercegovačko-neretvanskog kantona, i člana 12. Odluke o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole, usvojene na sjednici Koordinacije ministara obrazovanja i nauke u Federaciji BiH, održanoj 11. 12. 2017. godine, na prijedlog Koordinacije ministara obrazovanja i nauke u Federaciji BiH, Federalno ministarstvo obrazovanja i nauke objavljuje

**JAVNI POZIV**  
**za upis u Listu recenzenata Federalnog ministarstva obrazovanja i nauke**

1. Javni poziv se objavljuje za upis u Listu recenzenata Federalnog ministarstva obrazovanja i nauke za rukopise udžbenika, radnih udžbenika, priručnika, radnih listova i drugih nastavnih sredstava za osnovnu školu.
2. Pravo prijave imaju:
  - univerzitetski nastavnici za određeni nastavni predmet ili područje sa najmanje pet godina radnog iskustva u nastavi;
  - nastavnici predmetne nastave, odnosno nastavnici razredne nastave sa najmanje sedam godina radnog iskustva u nastavi u osnovnoj školi i
  - nastavnici u srednjoj školi za određeni nastavni predmet ili područje sa najmanje sedam godina radnog iskustva u nastavi
3. Svi kandidati moraju biti državljani BiH sa prebivalištem na području Federacije Bosne i Hercegovine.
4. Za upis u Listu recenzenata ne mogu se javiti autori koji su u zadnjih pet godina pisali za izdavačke kuće koje su dostavile rukopise na Javni konkurs za pribavljanje rukopisa za određeni razred i bliski srodnici autora udžbenika, radnih udžbenika i drugih nastavnih sredstava i to po pravoj liniji bez ograničenja, a po pobočnoj liniji do četvrtog stepena krvnog srodstva i drugog stepena po tazbinstvu.
5. Uposlenici ministarstava nadležnih za obrazovanje i pedagoških zavoda nemaju pravo prijave na ovaj javni poziv.
6. Prijavni obrazac se nalazi na web-stranici Federalnog ministarstva obrazovanja i nauke ([www.fmon.gov.ba](http://www.fmon.gov.ba)). Popunjeni obrazac sa dokazima o ispunjenim uvjetima i eventualnim preporukama treba dostaviti na slijedeću adresu: Federalno ministarstvo obrazovanja i nauke, Ante Starčevića bb, 88000 Mostar sa napomenom za *Javni poziv za upis u Listu recenzenata Federalnog ministarstva obrazovanja i nauke*.
7. Pored prijavnog obrasca kandidati su obavezni dostaviti:
  - dokaz o državljanstvu (kopija CIPS-ove lične karte);
  - dokaz o prebivalištu i
  - dokaz o završenoj stručnoj spremi.Kopije svih dokumenta moraju biti ovjerene od strane nadležnog organa.
8. Javni poziv za upis u Listu recenzenata Federalnog ministarstva obrazovanja i nauke je stalno otvoren.

**MINISTRICA**

**prof. dr. Elvira Dilberović**